

silia obscura, captiosa, & spinosa cerni, fasci-
nandis judicum oculis, & tegendæ inju-
stitiæ, plane quemadmodû sepia spurcitiem suam
diffundat, ut aquam obscuret; ne ipsa capiatur.
 Nec esse, quod pro excusandis his iniqui-
 tatibus afferatur, his fallaciis juvenes in-
 strui, non ut iis utantur, sed ut eas evitent;
 nam qui inimicos fallere didicerit, eum
 data occasione etiam amicos fallere. Inte-
 rim Juris Canonici & glossatorum fœto-
 rem hæctenus omnem invidiam, ob lon-
 gos progressus & lites, sustinuisse, libris
 Pandectarum interim in pretio & honore
 longe majore manentibus, quemadmo-
 dum hortulani violas & cariophyllos cre-
 dant suaviorem emittere odorem, si ad
 radicem eorum allia & cepæ plantentur.
 (5) Innumeras *contentiones* intercedere in-
 ter *Doctores* eruditissimos, qui se *purgati ju-*
risprudentiæ professores nominent, sed ma-
 ximam partem *Grammaticas*, ob rude &
 scabrum in pandectis dicendi genus, ut
 propterea Pragmatici eos *Humanistas &*
Grammaticos per contemptum vocitent, vi-
 cissim ab his *Bartolistarum & Barbarorum* no-
 men reportantes. (6) *Diversam Pandectarum*
Florentinarum & vulgatarum lectionem doctis-
 simos quoque turbasse; hinc scholas con-
 tentionibus & rixis repleti, non modo in
 re-